

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der ander Theyl der Newlich erfundenen Landtschafft Americae von dreyen Schiffahrten, so die Frantzosen in Floridam (die gegen Nidergang gelegen) gethan

Le Moyne de Morgues, Jacques

Franckfort a. M., 1591

VD16 L 1138

V. Wie die Franzosen an das Königliche Gestade

urn:nbn:de:bsz:31-88693

Wie die Franzosen an das Königliche Gestade/also genannt/ kommen seyn. V.



Als sie ihrem gewöhnlichen Weg folgten/ fanden sie einen Fluß/ den sie Conspectum bellum nannten. Darnach wie sie drey oder vier Meilen weiters gefahren/ wurde ihnen angezeigt/ daß nicht weit von dannen ein breyt Wasser sey/ welches an Größ vnd Lust die andern alle vbertreffen solt. Da sie dahin kommen/ haben sie dasselbe Wasser/ wegen seines Lusts vnd Größ/ das Königliche Gestad genannt/ daselbst ihre Segel nider gelassen/ die Ancker auff die zehen Klafftern tieff eingesenckt. Vnd als der Oberst sampt seinen Knechten vffs Landt gestiegen/ haben sie befunden/ daß es der aller lustigst Ort war/ Sintemal es voll Eychen/ Cedern/ vnd allerley anderer Bäume stunde/ Vnter welchen/ als sie spazierten/ sie Indianische oder Französische Pfauwen fürüber fliegen/ auch Hirsch im Waldt hin vnd her weyden/ gesehen. Die Anfurt dieses Wassers ist drey Französische Meilen breyt/ vnd theilt sich in zweyen Arm/ Der ein Arm gegen Nidergang/ der ander gegen Witternacht sich neygt/ welches (wie etliche meynen) mitten durchs Landt fließt/ vnd sich nach dem Jordan erstreckt. Das ander läuft wider ins Meer/ wie es die Inwohner des Lands erfahren haben. Dese beyde Arm sind zwo großer Meilen breyt/ zwischen welchen ein Insel ist/ welcher Spitz gegen der Anfurt des Wassers gelegen. Balde darnach/ als sie wider zu Schiff gangen/ haben sie sich vff den Arm nach Nidergang begeben/ daß sie desselben Geleghenheit erforschten. Vnd als sie vngefährlich zwölff Meil wegs geschiff hatten/ haben sie ein grossen hauffen Indianer gesehen/ die/ so bald sie unsere Schiff ersahen/ sich in die Flucht begeben/ vnd ein jungen gebratnen Lixen allda verlassen/ Von deswegen die Franzosen dis Ort des Lixen Vorgebürg nemten. Als sie nun weiter schiffen/ haben sie ein ander Wasser angetroffen/ vom Auffgang fließend/ dardurch dann der Oberste/ mit verlassung des größern Flusses/ zu schiffen entschlossen.

Landschaft
Korinthe



M

den haben sie an
vberaus grosse
nicht der Ober
chen traten/hab
getreten/haben
hohe Cedern / d
86